

# Pertingkat inisiatif

Oleh Basir Zahrom  
basir\_zahrom@  
bh.com.my

Kuala Lumpur

**P**elajar kategori orang kelainan upaya (OKU) berharap institusi pengajian tinggi (IPT) di negara ini terus melakukan penambahan baik terhadap penyediaan kemudahan diperlukan serta pelaksanaan program kebolehpasaran bagi membenarkan mereka menempa kecermeiran.

Walaupun ada usaha sudah dilakukan ke arah matlamat itu, mereka berpendapat pihak universiti boleh menerokai banyak lagi inisiatif lain dari semasa ke semasa untuk memastikan pelajar OKU mampu berdaya saing dan menempuh cabaran alam pekerjaan tanpakekangan.

Seorang daripadanya yang juga pelajar Ijazah Sarjana Sains Komputer di Universiti Malaysia Pahang (UMP), Siti Hawa Apandi, berkata tidak semua IPT tempatan melaksanakan program kebolehpas-

**ALHAMDULILLAH,  
SEJAK ITU UMP  
TERUS MENYE-  
DIAKAN KEMU-  
DAHAN UNTUK  
OKU SEPERTI  
LALUAN KHAS DI  
KAWASAN KAM-  
PUS BAGI MEMU-  
DAHKAN KAMI  
BERGERAK"**

Siti Hawa Apandi,  
Pelajar UMP

ran untuk pelajar OKU. Bagaimanapun, beliau berkata, mereka tetap diberi bantuan pendedahan tidak formal oleh penyayang, selain melalui penyertaan dalam



Siti Hawa Apandi

Hari Kerjaya khusus untuk pelajar OKU anjuran Universiti Malaysia (UM) dua tahun lalu.

#### Laluan khas

"Selain itu, kami turut diajar mengenai penulisan resume. Ketika ini, hanya ada enam penuntut OKU di UMP, termasuk saya daripada pelajar kumpulan kohort pertama yang masuk pada 2007."

"Alhamdulillah, sejak itu UMP terus menyediakan kemudahan untuk OKU seperti laluan khas di kawasan kampus bagi memudahkan

kami bergerak. Diharap pengambilan pelajar OKU di UMP bertambah supaya dapat meningkatkan graduan OKU di sini," katanya.

Sementara itu, Exco Pelaksanaan dan Pembangunan Modal Insan, Majlis Perwakilan

Pelajar (MPP) UM, Mohd Shahru Hafiz Norazmi, berkata program kebolehpasaran bagi pelajar OKU memang wujud di universiti, namun masih ada ruang untuk penambahbaikan.

#### Kurang pendedahan praktikal

Beliau yang juga Ahli Jawatankuasa Persatuan Penyakit Jarang Jumput Malaysia (PPJJM) berkata, program yang diadakan untuk pelajar OKU selalunya berbentuk ceramah dan kurang pendedahan praktikal.

"Dari segi kemudahan untuk pelajar OKU pula, pelaksanaannya belum capai tahap yang diharapkan. Sebagai contoh pengangkutan khas, iaitu bas dari kolej ke fakulti, tidak beroperasi mengikut jadual sepertumnya dan sering menjadi kegunaan pelajar normal serta aktiviti kolej.

"Hal itu menyukarkan pelajar OKU, terutama yang cacat penglihatan kerana terpaksa berjalan sambil dibantu rakan lain untuk ke kuliah. Jalan dengan garisan kuning tebal untuk laluan khas OKU di kampus juga kurang menyeluruh, manakala kenderaaan yang tidak mengikut had laju ditetapkan memburrukkan lagi keadaan," katanya.

Mohd Shahru Hafiz Norazmi

VARSITI

REDAKSI

PENGARANG UPSAN KUMPULAN NSTP:  
Datuk Abdul Jalil Hamid  
PENGARANG KUMPULAN BH:  
Mahfar Ali  
TIMBALAN PENGARANG KUMPULAN BH:  
Badrulhisham Othman  
PENGARANG EKSEKUTIF BERITA DAN  
EHWAL SEMASA:  
Norhayati Md Said  
PENGARANG EKSEKUTIF MINGGUAN / BH2:  
Zainor Said  
PENGARANG EKSEKUTIF PENGELUARAN: